



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-227-6/24**
Datum: **15.07.2024. godine**

«Agencija za vodno područje rijeke Save» rješavajući po zahtjevu JP „Vodovod i odvodnja” d.o.o. Orašje za izdavanje vodne dozvole za ispuštanje komunalnih otpadnih voda sa područja grada Orašja u rijeku Savu, na osnovu člana 109. stav 1. tačka 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola JP „Vodovod i odvodnja” d.o.o. Orašje za ispuštanje komunalnih otpadnih voda sa područja grada Orašje putem glavnog ispusta komunalnih otpadnih voda u rijeku Savu u sklopu kojeg se nalazi i kanalizaciona crpna stanica „Grad” izgrađeni su na zemljištu označenom kao k.č: 79/2, 80 i 81/2 K.O. Orašje I, Grad Orašje.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se objekti koji čine kanalizacioni sistem Grada Orašja održavaju u ispravnom i funkcionalnom stanju u skladu sa njihovom namjenom i ovim Rješenjem.
 - 2.2. Da se permanentno radi na razdvajanju postojećeg mješovitog sistema odvodnje otpadnih voda, te da se prilikom izgradnje nove kanalizacione mreže projektuje i izvodi isključivo separativni sistem odvodnje.
 - 2.3. Da se redovno vrši snimanje i kontrola stanja postojeće kanalizacione mreže. Ukoliko postoje ili se snimanjem na terenu uoče nekontrolisani pojedinačni ispusti fekalnih otpadnih voda u prirodne vodotoke, što hitnije poduzeti aktivnost da se isti priključe na postojeće glavne gradske kolektore.
 - 2.4. Da se vodi evidencija svih septičkih jama kao i drugih individualnih postrojenja za prečišćavanje otpadnih voda u području svoje nadležnosti, te da se vode stalne aktivnosti na eliminaciji septičkih jama i upojnih bunara, odnosno da se, gdje god je to moguće, vrši priključenje objekata na kanalizacionu mrežu.
 - 2.5. Da se obezbijedi nesmetan pristup i redovno vrši održavanje korita rijeke Save na mjestu ispusta komunalnih otpadnih voda iz glavnog kolektora.
 - 2.6. Da se, od korisnika prilikom izdavanja odobrenja za priključak na gradsku kanalizacionu mrežu, zahtijeva da kvaliteta otpadnih voda koje se ispuštaju u javnu kanalizacionu mrežu bude u skladu sa odredbama Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20, 1/24).
 - 2.7. Odobrenje za priključak na kanalizacioni sistem treba da sadrži sve podatke i uslove propisane članom 28. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20, 63/22).
 - 2.8. Da se tokom važenja ovog Rješenja vrši monitoring otpadnih voda na ispustu glavnog gradskog kolektora definisan tačkom 1. dispozitiva ovog rješenja. Monitoring vršiti u skladu sa članom 25. stav (2) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostaviti Agenciji u skladu sa članom 23. iste Uredbe. Do izgradnje odgovarajućeg postrojenja za tretman otpadnih voda ne zahtijevaju se propisani efekti redukcije, odnosno dostizanje graničnih vrijednosti emisije.
 - 2.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti («Službene novine Federacije BiH», broj 14/10, 14/13 i 26/14, 15/17, 23/17 i 41/20).

3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Korisnik objekata je obavezan vršiti plaćanje posebne vodne naknade u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12).
6. U toku važenja ove vodne dozvole, podnosilac zahtjeva je dužan pokrenuti inicijativu kod nadležnog općinskog organa u cilju donošenja nove Odluke o odvodnji otpadnih voda u skladu sa članom 54. Zakona o vodama koju treba da donese Općinsko vijeće, jer je postojeća odluka o odvodnji broj: 01-02-267/03 donesena 23.05.2003.godine, tj. prije stupanja na snagu Zakona o vodama. Nakon njenog donošenja istu dostaviti ovoj Agenciji.
7. Prava stečena po ovoj dozvoli ne mogu se prenositi na treća lica a ista prestaju u skladu sa odredbama Zakona o vodama.
8. U ovoj upravnoj stvari plaćena je upravna pristojba.
9. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
11. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, JP «Vodovod i odvodnja» d.o.o. Orašje, obratilo se ovoj Agenciji dana 08.05.2024. godine, sa zahtjevom za izdavanje vodne dozvole za ispuštanje komunalnih otpadnih voda sa područja grada Orašje u rijeku Savu putem glavnog ispusta komunalnih otpadnih voda u rijeku Savu u sklopu kojeg se nalazi i kanalizaciona crpna stanica „Grad“, izgrađeni su na zemljištu označenom kao k.č. 79/2, 80 i 81/2 K.O. Orašje I, Grad Orašje. U provedenom postupku dostavljena je i pregledana sljedeća dokumentacija:

- Rješenje o izmjenama podataka, broj:025-0-Reg-20-000 104 od 14.12.2020. godine izdato od strana Općinskog suda u Orašju – ovjerena kopija;
- Uvjerjenje o poreznoj registraciji od 09.01.2017. godine izdato od strane Kantonalnog poreznog ureda u Orašju – ovjerena kopija;
- Rješenje o vodnoj dozvoli, broj: UP-I/25-3-40-609-5/18 od 13.03.2019. godine izdato od strane Agencije za vodono područje rijeke Save, Sarajevo – kopija;
- Izvještaj o monitoringu kvaliteta i kvantiteta otpadnih voda, juni 2023. godine urađen od strane TQM d.o.o. Lukavac;
- Izvještaj o monitoringu kvaliteta i kvantiteta otpadnih voda, juni 2024. godine urađen od strane TQM d.o.o. Lukavac;
- Izvod iz posjedovnog lista broj 220, broj:10-26-301/24-1 od 10.07.2024. godine izdat od strane Službe za geodetske poslove i katastar grada Orašje – kopija;
- Zemljišnoknjižni izvadak Katastarska općina Orašje I broj:NAR-976/2024 Zemljišnoknjižni uložak broj: 1401 izdat od strane Općinskog suda u Orašju – kopija;
- Odluka o vodosnabdijevanju i odvodnji, objavljena u Službenom glasniku Općine Orašje, broj:4, svibanj 2003. godine – kopija;
- Plan pogona vodoprivrednog objekta –Crpna stanica „Grad“ Orašje, august 2008. godine;
- Pravilnik o sadržaju općeg akta o održavanju, korištenju i promatranju vodoprivrednog objekta, broj:01-208-1/08 od 20.08.2008. godine – kopija;
- Dokaz o uplaćenju federalnoj upravnoj pristojbi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku i uvjetima i načinu izdavanja i čuvanja vodnih akata, izvršen je obilazak pumpne stanice «Grad» i glavnog ispusta urbanih otpadnih voda u rijeku Savu i tom prilikom sačinjen je zapisnik o uviđaju broj: UP-1/21-3-40-227-3/24 od 04.07.2024. godine.

U toku uviđaja utvrđeno je sljedeće:

- Na kanalizacioni sistem grada Orašje kojim upravlja JP «Vodovod i odvodnja» d.o.o. Orašje priključeno je 2000 domaćinstava i 450 privrednih subjekata. Kanalizacioni sistem je uglavnom mješovitog tipa sa jednim ispustom u rijeku Savu na lokalitetu uz Savski nasip 300 m nizvodno od drumskog mosta preko rijeke Save.
- Pri normalnim vodostajima rijeke Save ispuštanje otpadnih voda iz glavnog kolektora vrši se gravitaciono a pri velikim vodama vrši se prepumpavanje preko crpne stanice „Grad“. Crpna stanica je kapaciteta 1,7 m³/s u funkciji je u prosjeku 50-80 dana godišnje. U ovom periodu se sve otpadne vode, oborinske vode i podzemne vode prihvataju u crpni bazen i preko pužnih pumpi transportuju u odvodni kolektor prema rijeci Savi.
- Uz objekat crpne stanice izgrađena je trafo stanica. Ispod trafoa izgrađena je «kada» čija je funkcija prihvati eventualno rasutog ulja.
- Kod svakog korisnika prilikom izdavanja Odobrenja za priključak na gradsku kanalizacionu mrežu zahtjeva se dostavljanje projektne dokumentacije i vrši se uvid u istu kojim se utvrđuje da li korisnik ispunjava tražene uvjete, odnosno da bude u skladu sa odredbama „Uredbe o uslovima ispuštanja otpadnih voda u okoliš i sisteme javne kanalizacije“ (Službene novine Federacije BiH, broj 26/20, 96/20 i 1/24). Odobrenje za priključak na kanalizacioni sustav sadrži sve podatke i uslove propisane Pravilnikom o sadržaju, obliku i uvjetima i načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sustave javne kanalizacije.
- Pokrenuta je inicijativa kod nadležnog općinskog organa u cilju donošenja inovirane Odluke o odvodnji otpadnih voda u skladu sa članom 54. Zakona o vodama koju treba da donese Općinsko vijeće.
- Izvještaji o monitoringu kvaliteta i kvantiteta otpadnih voda, juni 2023. godine i juni 2024. godine urađeni od strane TQM d.o.o. Lukavac ukazuju da uzeti uzorci sa ispusta E-1 zadovoljavaju granične vrijednosti emisije propisane Uredbom.
- Korisnik je upoznat sa potrebom ishodovanja upotrebne dozvole izgrađenog sistema za privremeno ispuštanje komunalnih otpadnih voda Grada Orašja u rijeku Savu, u skladu sa važećom legislativom.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnih objekata i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama Zakona o vodama, Pravilnika o sadržaju, obliku, uslovima načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva JP «Vodovod i odvodnja» d.o.o. Orašje, ispunio minimum uslova za izdavanje vodne dozvole za ispuštanje komunalnih otpadnih voda u rijeku Savu, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13). Podnosilac zahtjeva je izvršio uplatu po Zaključku broj: UP-1/21-3-40-227-5/24 od 08.07.2024. godine.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi ovom organu neposredno pismeno ili preporučeno putem pošte i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.grad.

Dostaviti:

- JP «VODOVOD I ODVODNJA» d.o.o. Orašje
- Ul. XI br.14, 76270 Orašje,
- AVP Sava, ISV – Vodna knjiga,
- Sektor 50,
- Sektor 40 – arhiva,
- Oglasna ploča - AVP Sava